

ხელშეკრულება
(ვებ-პოსტინგის მომსახურების გაწევის შესახებ)

ქ. თბილისი

29 დეკემბერი, 2020 წელი

ერთის მხრივ შპს „მაგთიკომის „წარმოდგენილი მთავარი კომერციული ოფიცრის მოადგილის ნუგზარ ქავთარაძის მიერ, რომელიც მოქმედებს 2020 წლის 24 თებერვლის მინდობილობის (სანოტარო მოქმედების რეგისტრაციის N 200197281, მინდ. N 85846628754120) საფუძველზე (შემდგომში - მიმწოდებელი), მეორეს მხრივ სსიპ ქალაქ თბილისის #61 საჯარო სკოლა (211351936) წარმოდგენილი მისი დირექტორის მ/შ შორენა ღუდუმაური (შემდგომში - შემსყიდველი) „შემსყიდველი“ და „მიმწოდებელი“ შემდეგმი ერთად წოდებულ როგორც „მხარეები“ ხოლო ცალ-ცალკე როგორც „მხარე“, ვმოქმედებთ რა თითოეული ორგანიზაციის წესდებით მინიჭებული უფლებამოსილებისა და „სახელმწიფო შესყიდვების შესახებ“ საქართველოს კანონის მე-3 მუხლის 1-ლი პუნქტის „ს“ კვეთუნების საფუძველზე ვდებთ სახელმწიფო შესყიდვის შესახებ ხელშეკრულებას და ვთანხმდებით შემდეგზე:

ხელშეკრულებაში გამოყენებული ტერმინების განმარტება

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- ❖ „ხელშეკრულება სახელმწიფო შესყიდვის შესახებ“ – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მსზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- ❖ „შემსყიდველი“ – ორგანიზაცია, რომელიც ახორციელებს შესყიდვის ობიექტის სახელმწიფო შესყიდვას
- ❖ „მიმწოდებელი“ – პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.
- ❖ „ზელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- ❖ „დღე“, „კვირა“, „თვე“ „წელიწადი“ – კალენდარული დღე, კვირა, თვე, წელიწადი.
- ❖ „მომსახურება“ – წინამდებარე ხელშეკრულების პირველი მუხლით გათვალისწინებული ხელშეკრულების საგანი.
- ❖ „გიგაბაიტი“ – კომპიუტერული მებსიერებისა ან მოხაცემთა ბაზის ნაწილი, რომლის ტევადობა 1024 მეგაბაიტის (2³⁰ ბაიტი) ტოლია.
- ❖ „ტრაფიკი“ – მონაცემთა მიმოსვლა ინტერნეტში, ერთი ქსელიდან მეორეში გადაცემული ბაიტების რაოდენობა დროის კონკრეტულ მონაცემთში.
- ❖ „ინტერნეტ გვერდი“ – შემსყიდველის კუთვნილი დომენური სახელის ქვეშ არსებული გვერდების ინტერფეისი, ფუნქციები და შინაარსი, რომელიც ხელმისაწვდომია ინტერნეტის მომხმარებლებისათვის.
- ❖ „ვებ სივრცე“ – ვებგვერდისთვის ინტერნეტთან მუდმივად დაკავშირებულ სერვერზე გამოყოფილი მეხსიერების რაოდენობა.
- ❖ „საფოსტო ყუთი“ – კომპიუტერული ფაილები რომლებიც ემსახურებიან ელექტრონული საფოსტო შეტყობინებების შეგროვებასა და შენახვას.
- ❖ „წერილობითი შეტყობინება“ – წერილი შეტყობინება/ინფორმაციის მიწოდება წერილობითი ფორმით რომელიც გაგზავნილია ერთ-ერთი მხარის მიერ მეორე მხარისათვის საფოსტო, ელექტრონულ საფოსტო მისამართზე ან სატელეფონო ნომერზე მოკლედ ტექსტური შეტყობინების სახით.
- ❖ „დაუშვებელი პროდუქცია“ – ელექტრონული კომუნიკაციების მეშვეობით გადაცემული პორნოგრაფია, სიძულვილისა და ძალადობის განსაკუთრებით მძიმე ფორმების ამსახველი, პირადი ცხოვრების შემლახველი, ცილისმწამებლური, შეურაცმყოფელი, უდანაშაულობის პრეზუმციის დამრღვევი, უზუსტო, საავტორო უფლებებისა და საქართველოს კანონმდებლის დარღვევით გადაცემული სხვა პროდუქცია.
- ❖ „უსაფრთხოების სისტემა“ – პროგრამული და აპრატურული დაცვის მექანიზმი, რომელიც ზღუდავს სერვერზე არასანქცირებულ შეძრევას.
- ❖ „სერვერული რესურსების გადაჭარბებით მოხმარება“ – რაც მოიცავს, მაგრამ არ შემოიფარგლება შემსყიდველის მიერ CPU, RAM, Network, etc გადაჭარბებით მოხმარება, რაც ხელს უშლის იმავე სერვერზე არსებულ სხვა მომხმარებელს მიიღოს მომსახურება შეფერხების გარეშე.

მუხლი 1. ხელშეკრულების საგანი

1.1 წინამდებარე ხელშეკრულების საგანს წარმოადგენს ხელშეკრულების მოქმედების პერიოდის განმავლობაში მიმწოდებლის მიერ, შემსყიდველის ინტერნეტ გვერდისა და საფოსტო ყუთების საჯარო ხელმისაწვდომობის უზურნველყოფა (cpv 72410000 პროვაიდერული მომსახურებები) 30 კალენდარული დღის მინიმუმ 99%-ის განმავლობაში სრულად და აღნიშნული მომსახურების ტექნიკური უზრუნველყოფა.

1.2 მომსახურების ტექნიკური უზრუნველყოფა მოიცავს: შემსყიდველის ინტერნეტ გვერდის ხელმისაწვდომობის უზრუნველყოფას მომხმარებლებისათვის, შემსყიდველისათვის მიწოდებული სერვისის უსაფრთხოებაზე, შემსყიდველის ვებსაიტზე მონაცემთა სრულყოფილი მიმოსვლისა და საფოსტო ყუთების გამართულ მუშაობაზე ზრუნვას, მიმწოდებლის ტექნიკური შესაძლებლებებისა და კეთილგონირების ფარგლებში.

1.3 მხარეები თანხმდებიან რომ წინამდებარე მუხლის 1.1 პუნქტით გათვალისწინებული მომსახურების გაწევა განხორციელდება ვებ-პლატფორმის მიზნით მომსახურების წესისა და პირობების დაცვით (იხ. დანართი N1), რომელიც დანართის სახით თან ერთივს წინამდებარე ხელშეკრულებას და შესასრულებლად სავალდებულოა მხარეებისათვის.

მუხლი 2. ხელშეკრულების მოქმედების პერიოდი და ძალაში შესვლის პირობები

2.1. წინამდებარე ხელშეკრულება ძალაშია მხარეთა მიერ მასზე ორმხრივად კვალიფიციური ელექტრონული შტამპის დასმის დღიდან და მისი მოქმედების პერიოდი განისაზღვრება 2022 წლის 31 იანვრის ჩათვლით.

2.2. მომხახურების გაწევის ვადა 2021 წლის 01 იანვრიდან 31 დეკემბრის ჩათვლით.

მუხლი 3. ღირებულება და გადახდის წესი

3.1. მხარეები თანხმდებიან, რომ წინამდებარე ხელშეკრულების პირველ მუხლში აღნიშნული მომსახურების ყოველთვიური ღირებულება განისაზღვრება, შემსყიდველის მიერ შერჩეული მომსახურების პაკეტის მიხედვით დადგენილი სატარიფო გეგმით. ხელშეკრულების საერთო ღირებულება შეადგენს 84 ლარს.

ვებ.სივრცე	ყოველთვიური ტრაფიკი	საფისტყო ფუთი	დომენი	ყოველთვიური ღირებულება
500 მბ	10 გბ	10	school61.edu.ge	7 ლარი

3.2 შემსყიდველის მიერ წინამდებარე ხელშეკრულებით გათვალისწინებული მომსახურების ღირებულების გადახდა უნდა განხორციელდეს ყოველთვიურად ანგარიშფაქტურის გამოწერიდან 5 (ხუთი) სამუშაო დღის ვადაში, მაგრამ არა უგვიანეს მომდევნო თვის 15 (თხუთმეტი) რიცხვისა, უნდაღდო ანგარიშწორების ფორმით, შემსყიდველის მიერ მითითებულ საბანკო რეკვიზიტებზე.

მუხლი 4. მხარეთა უფლება-მოვალეობები

4.1 შემსყიდველს უფლება აქვს:

მოსთხოვოს მიმწოდებელს წინამდებარე ხელშეკრულებით ნაკისრი ვალდებულებების სრულად და ჯეროვნად შესრულება.

4.2. შემსყიდველი ვალდებულია:

4.2.1 გაეცნოს და მომსახურების სარგებლობისას დაიცვას ვებ-ჰოსტინგით მომსახურების წესები და პირობები (დანართი N1);

4.2.2 თავად უზრუნველყოს მისი ინტერნეტ-გვერდის პროგრამული დაცვა;

4.2.3 ყოველთვიურად, დროულად მოახდინოს მომსახურების ღირებულების გადახდა;

4.2.4 შეტყობინება გაუგზავნოს მიმწოდებელს საკონტაქტო ინფორმაციის ცვლილების შესახებ;

4.3 მიმწოდებელს უფლება აქვს:

4.3.1 მოსთხოვოს შემყიდველს წინამდებარე ხელშეკრულებითა და მისი დანართით (ვებ-ჰოსტინგით მომსახურების წესები და პირობები) ნაკისრი ვალდებულებების შესრულება.

4.3.2 შემსყიდველის მიერ წინამდებარე ხელშეკრულების მეოთხე მუხლის 4.2 პუნქტით გათვალისწინებული ვალდებულებების დარღვევის შემთხვევაში, შეუზღუდოს შემსყიდველს წინამდებარე ხელშეკრულებით განსაზღვრული მომსახურება, ხოლო შემსყიდველის მიერ მომსახურების შეზღუდვის საფუძვლის 45 დღეში აღმოუფხვრელობის შემთხვევაში ცალმხრივად შეწყვიტოს წინამდებარე ხელშეკრულება.

4.3.3. წინამდებარე მუხლის 4.3.2 პუნქტით გათვალისწინებული შეზღუდვის დროს მიმწოდებელი მის კუთვნილ სერვერზე ინახავს შემსყიდველის კუთვნილ ინფორმაციას (ვებ-გვერდის ბაზა, ელ. ფოსტა და სხვ.). ამავე მუხლის 4.3.2. პუნქტით გათვალისწინებულ ვადაში შემსყიდველის მიერ მომსახურების შეზღუდვის საფუძვლის აღმოუფხვრელობის შემთხვევაში მიმწოდებელი უფლებამოსილია შემსყიდველის გაუფრთხილებლად წაშალოს სერვერიდან ყველა მონაცემი.

4.3.4. წინამდებარე მუხლის 4.3.2 პუნქტით გათვალისწინებული შეზღუდვის თაობაზე, შემსყიდველი მიმწოდებელს უგზავნის მომსახურების შეზღუდვის შესახებ ინდიკატორულ შეტყობინებას შემსყიდველის მიერ მითითებულ ერთ-ერთ საკონტაქტო რეკვიზიტზე (მათ შორის, ელ. ფოსტის მისამართი, საკონტაქტო ტელ. ნომერი).

4.4. მიმწოდებელი ვალდებულია:

4.4.1 უზრუნველყოს წინამდებარე ხელშეკრულების პირველი მუხლით განსაზღვრული მომსახურების უზრუნველყოფა წინამდებარე ხელშეკრულების ძალაში შესვლის მომენტიდან.

მუხლი 5. მხარეთა ურთიერთვალდებულებები და პასუხისმგებლობა

5.1 მიმწოდებელი არ არის პასუხისმგებელი შემსყიდველის მიერ ქსელში გატარებულ ინფორმაციაზე ან/და მის ინტერნეტ-გვერდზე განთავსებული ინფორმაციის შინაარსზე. შემსყიდველის ინტერნეტ-გვერდების შინაარსთან დაკავშირებით პასუხისმგებლობა სრულად ეკისრება შემსყიდველს

5.2 მიმწოდებელი პასუხს არ აგებს იმ ზიანისათვის რაც შემსყიდველს შეიძლება მიადგეს ინტერნეტ-გვერდის დავირუსებისა ან მესამე პირის მიერ უსანქციო ან შემსყიდველს მიერ სანქცირებული ქმედების შედეგად, ვინაიდნ მიმწოდებლის მოვალეობა შემოიფარგლება მხოლოდ ინტერნეტ გვერდისა და საფოსტო ყუთების საჯარო ხელმისაწვდომობის უზრუნველყოფით და თავად შემსყიდველი არის პასუხისმგებელი მისი ინტერნეტ გვერდის პროგრამულ დაცვაზე.

5.3 წინამდებარე ხელშეკრულების საფუძველზე ან მასთან დაკავშირებით მხარეთა მიერ ერთმანეთისათვის გაგზავნილი ნებისმიერი ხასიათის შეტყობინება ან მოთხოვნა მიწოდებულად უნდა ჩაითვალოს შეტყობინების ან მოთხოვნის ფაქსის ან ელ-ფოსტის საშუალებით გაგზავნის შემთხვევაში - გაგზავნის დროს, ხოლო ფოსტის საშუალებით გაგზავნის შემთხვევაში - ფოსტაში განთავსებიდან მე-5 დღეს.

მუხლი 6. ხელშეკრულების მოქმედების შეწყვეტის საფუძვლები

- 6.1. ხელშეკრულება შეიძლება შეწყდეს ვადაზე ადრე:
- 6.1.1. მხარეთა შეთანხმებით;
- 6.1.2. მიმწოდებლის მიერ ცალმხრივად, შემსყიდველის მიერ ხელშეკრულებით ნაკისრი ვალდებულების შეუსრულებლობისას;
- 6.1.3. მიმწოდებლის მიერ ცალმხრივად 4.2 მუხლით გათვალისწინებულ შემთხვევაში;
- 6.1.4. შემსყიდველის მიერ ცალმხრივად შეწყვეტის თაობაზე მიმწოდებლის 30 (ოცდაათი) კალენდარული დღით ადრე შეტყობინების 6.1.5. მხარები თანხმდებიან, რომ ეს მუხლი არ ვრცელდება ფორს-მაჟორის დრო;

მუხლი 7. მარეგულირებელი კანონმდებლობა და დავების გადაწყვეტა

- 7.1 წინამდებარე ხელშეკრულებით და მისი დანართებით გაუთვალისწინებული ყველა საკითხი, მხარეთა შეთანხმებით მოწერიგდება საქართველოს მოქმედი კანონმდებლობის შესაბამისად.
- 7.2 მხარეთა შორის ყველა დავა გადაწყდება ურთიერთმოლაპარაკების გზით. მხარეთა მიერ ოცდაათი (30) კალენდარული დღის განმავლობაში შეთანხმების მიუღწევლობის შემთხვევაში, შემსყიდველს შეუძლია ერთჯერადად მიმართოს შპს „მაგთიკომის“ დავების განხილველ სამსახურს, რომელიც, არის მისი შიდა ფუნქციური ორგანო.
- 7.3. მხარეებს, შეთანხმების მიუღწევლობის შემთხვევაში, ნებისმიერ დროს, წინამდებარე ხელშეკრულებიდან ან მასთან დაკავშირებით არსებული ნებისმიერი შეთანხმებიდან, მათ შორის ნებისმიერი საკითხი ხელშეკრულებიდან ანდა შეთანხმების არსებობის, ნამდვილობისა და შეწყვეტის შესახებ, წარმოშობილ დავასთან დაკავშირებით, შეუძლიათ მიმართონ საქართველოს კომუნიკაციების ეროვნულ კომისიას ან საქართველოს სასამართლოს, საქართველოში მოქმედი კანონმდებლობის შესაბამისად.

მუხლი 8. ფორს მაჟორი

- 8.1 მხარეები თავისუფლდებიან პასუხისმგებლობისაგან აღნიშნული ხელშეკრულებით გათვალისწინებული ვალდებულებების ნაწილობრივ ან მთლიანად შეუსრულებაზე, თუ ეს გამოწვეულია გაფიცების, ომის, წყალდიდობის, ხანძრის და სხვა სტიქიური მოვლენების შედეგად.
- 8.2. მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინამდებარებული შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.
- 8.3 ფორს მაჟორული გარემოებების პირობებში, ვალდებულებების შესრულების პერიოდი გრძელდება იმ დროით, რა დროსაც გასტანა ასეთმა გარემოებებმა. თუ მხარეების მიერ ხელშეკრულებით ნაკისრი ვალდებულებების შეუსრულებლობა გაგრძელდა სამ თვეზე მეტი დროით, თითოეულ მხარე უფლებამოსილია ცალმხრივად შეწყვიტოს წინამდებარე ხელშეკრულების მოქმედება ხელშეკრულების შეწყვეტის საგარაუდო თარიღამდე არანაკლებ ორი კვირით ადრე წერილობითი შეტყობინების გაგზავნით (ელექტრონული ფოსტით) ან სხვა ხელმისაწვდომი საშუალებით.

მუხლი 9. ხელშეკრულების სხვა პირობები

- 9.1 წინამდებარე ხელშეკრულებას თან ერთვის დანართი N1 (მომსახურებით სარგებოლობის წესები და პირობები) რომელიც წარმოადგენს ხელშეკრულების განუყოფელ ნაწილს და ძალაშია მასთან ერთად.
- 9.2 შემსყიდველი ადასტურებს, რომ მისი მიერ წარმოადგენილი მონაცემების, მათ შორის იურიდიულ და საბანკო რეკვიზიტების, სისწორეს.
- 9.3 წინამდებარე ხელშეკრულებით შემსყიდველი იღებს მხოლოდ მომსახურებას და მას საკუთრებაში არ გადაეცემა რაიმე ტექნიკური მოწყობილობა.
- 9.4 ხელშეკრულება შედგენილია ქართულ ენაზე - 2 (ორი) თანაბარი იურიდიული ძალის მეორე ეგზემპლარად, რომელთაგან თითოეული გადაეცემათ მხარეებს.
- 9.5 წინამდებარე ხელშეკრულების რომელიმე მუხლის (ან მისი ნაწილის) ბათილობა არ გამოიწვევს მთლიანად ხელშეკრულების ბათილობას.
- 9.6 წინამდებარე ხელშეკრულების ყველა პირობა და დებულება ვრცელდება და საკალდებულოა მხარეთა უფლებამონაცვლებათვის, სამართალმეცვიდრეთათვის და წარმომადგენელთათვის.
- 9.7 ის საკითხები, რომელიც წარმოიშვიბა წინამდებარე ხელშეკრულების მხარეებს შორის და რომელიც არ რეგულირდება წინამდებარე ხელშეკრულებით, გადაწყდება მხარეთა წერილობითი შეთანხმებით საქართველოს მოქმედი კანონმდებლობის შესაბამისად.
- 9.8 ხელშეკრულება არ შეიცავს რაიმე დამატებით სიტყვიერ შეთანხმებას.

ყოველივე ზემოაღნიშნულის დასადასტურებლად, მხარეების საკუთარი უფლებამოსილი წარმომადგენლების საშუალებით ზემოთმითითებულ დღესა და წელს გაფორმეს წინამდებარე ხელშეკრულება.

დანართი N1

ინტერნეტ გვერდისა და საფოსტო ყუთების საჯარო ხელმისაწვდომობის უზურნველყოფის მომსახურებით სარგებლობის წესები და პირობები

მომსახურების გამოყენების წესები:

აკრძალულია:

- ისეთი ხასიათის ინფორმაციის განთავსება, რომელიც წინააღმდეგობაში მოდის საქართველოს კანონმდებლობასა და საერთაშორის კონვენციებთან;

- ისეთი ქმედებების განხორციელება, რაც შეაფერხებს სერვერზე არსებული სხვა მომხმარებელის მომსახურებას;
- არასასურველი ელექტრონული გზავნილი (SPAM) გაგზავნა;
- ისეთი პროგრამული კოდების განთავსება, რომლებით იძლევა ამა თუ იმ სერვერზე არასანქცირებული შეღწევის საშუალებას (PHP Shell, Virus etc.);
- წებართვის გარეშე საავტორო უფლებებით დაცული მასალის განთავსება;

შემსყიდველი ვალდებულია:

- მომსახურების მიღებისას დაიცვას წინამდებარე წესები და პირობები;
- დაიცვას საქართველოს კანონმდებლობით დაწესებული მოთხოვნები ინტერნეტ გვერდის შინარსობრივ მხარესთან დაკავშირებით;
- მომსახურების ღირებულების გადახდა განხორციელოს ხელშეკრულებით გათვალისწინებული პირობების დაცვით.

შემსყიდველისათვის ცნობილია, რომ:

- მისთვის რეგისტრაციის დროს მინიჭებული პაროლის დაკარგვისა ან მოპარვის შედეგად მიყენებულ ზარალზე კომპანია პასუხს არ აგებს. პაროლის უსაფრთხოებაზე უშუალოდ პასუხისმგებელი არის შემყიდველი.
- შემსყიდველი პასუხისმგებელია მის ვებ-გვერდზე განთავსებულ ინფორმაციაზე (მათ შორის ბმულებზე, ფაილებისა და სკრიპტების უსაფრთხოებაზე, ელ საფოსტო მისამრთებზე);
- გაუთვალისწინებელი შემთხვევებისაგან თავის დაზღვევის მიზნით, რეკომენდირებულია შემსყიდველმა პერიოდულად მოახდინოს ინფორმაციის სარეზერვო კოპირება.

მიმწოდებლის უფლებები :

- სერვერის რესურსის არაჯეროვანი გამოყენების შემთხვევაში, რაც ასევე შეიძლება გამოწვეული იყოს შემსყიდველისაგან დამოუკიდებელი მიზეზებით (ვირუსები, მესამე პირის სანქცირებული ან არასანქცირებული შეღწევა, სპამი), მიმწოდებელს უფლება აქვს შეაჩეროს მომსახურების მიწოდება თუ აღნიშნული ქმედება ხელს უშლის ამავე სერვერზე არსებულ სხვა მომხმარებლებს სრულფასოვანი მომსახურების მიღებაში.
- მომსახურების რომელიმე წესის დარღვევის შემთხვევაში მიმწოდებელი უფლებამოსილია წერილობითი გაფრთხილების შემდეგ დროებით შეუზღუდოს მომსახურება.
- მიმწოდებელი პასუხისმგებელი არაა იმ შემთხვევაზე, როცა მესამე პირის გამო, უსაფრთხოების სისტემის ავტომატური ამოქმედებისას, შემსყიდველს არ აქვს სერვერთან კავშირი.

საკონტაქტო ინფორმაცია

- ხელშეკრულების გაფორმების დროს, შემსყიდველი ვალდებულია მიუთითოს სწორი და სრული ინფორმაცია თავის შესახებ, რათა საჭიროების შემთხვევაში მიმწოდებელს ჰქონდეს მასთან დაკავშირების საშუალება. ამასთანავე, წებისმიერი ამ ინფორმაციის ცვლილების შემთხვევაში, შემსყიდველი ვალდებულია დაუყონებლივ აცნობოს ამის შესახებ მიმწოდებელს.
- მიმწოდებელს უფლება აქვს გააგზავნოს ტექნიკური პარამეტრები ან შეცვალოს პაროლი, მხოლოდ საკონტაქტო ელ.მისამრთზე წერილობითი მოთხოვნის საფუძველზე.

მხარეთა ხელმოწერები:

შემსყიდველი

სსიპ ქალაქ თბილისის #61 საჯარო სკოლა

მისამართი: თბილისი, ვ.დოლოიძის N3

ტელეფონი: 2 23 88 43

ტელეფონი მობ): 577123425

საიდენტიფიკაციო ნომერი 211351936

სს თიბისი ბანკი

ბანკის კოდი: TBCBGE22

ა/ა GE45TB7087736020100011

სკოლის დირექტორის მ/შ:

შორენა ღუდუშაური

მიმწოდებელი

შპს „მაგთიკომი“

მისამართი: თბილისი 0186, პოლიტკოვსკაიას ქ N7

ტელეფონი: (995 32) 20 00 00

ფაქსი:(995 32) 217 11 70, 217 11 71

საიდენტიფიკაციო ნომერი: 204876606

ბანკი : ვითიბი ბანკის ცენტრალური ფილიალი

ბანკის კოდი № UGEBGE22

ა/ა GE73VT660000000423607

მთავარი კომერციული ოფიცირის
მოადგილე

ნუგზარ ქავთარაძე